

皇明經世文編

皇明經世文編卷之三百八十

陳子龍臥子 徐孚遠闇公

華亭

編輯

宋徵璧尚木 徐鳳彩聖期

盛翼進隣汝叅閱

申文定公文集

疏

申時行

虜情疏

陝西虜情

近該陝西三邊督臣以虜情變動邊患紛紜饋餉空虛備禦單弱方條議上請及時整飭下部議覆間隨

談陝西撫臣揭報本年六月內虜騎入境攻圍舊洮州古爾占堡見我兵漸集遂四散捨番該洮岷副總兵李聯芳分兵追逐陷伏陣亡臣等不勝驚愕夫虜雖入境捨番而城堡無恙猶爲失事之小者然將官兵寡力分遂致喪敗損威傷重殊驚駭聽聞故敢以虜情邊計爲  皇上陳之先年俺答款貢套虜吉能及松山西海諸部並聽約束馴至于今西鎮之不用兵殆二十年矣及吉能父子皆歿其孫卜失兔幼弱不能制馭諸部而用事夷酋如切盡黃台吉者又相

繼歿以故各酋渙散不相統一。或以轉堡要賞于延綏或以借路生事于甘肅或受賞于東而竄掠于西或罰服于此而狂逞于彼或駐牧近邊驅之則曰吾不犯內地也或刁捨番族問之則曰吾不擾漢人也欲絕之則彼以款貢爲詞難于峻拒欲撫之則彼實求索無厭難以曲從先因西寧將官一時僨事身既不保虜益見輕邊釁遂開兵端不息此西鎮虜情之大略也顧邊疆事執軍旅機宜譬之隨病製方不能執一今虜旣傑黠無狀掠我屬番殺我裨得公背盟

當時房情如此 關卷之大一臣多以包荒為主而臺

約茂視天朝此其執不得不戰然一二小酋雖已得

諫時欲決計用之

獫而大酋全部尚在羈縻順義在西酋稱恭事卜酋

回套猶聽調遣初未嘗聚眾連兵合謀犯順此其執

不得不撫然或陽順而陰逆已去而復來雖嘗鹵掠

而或送還人畜認罰無詞雖有殺傷而或縛獻罪夷

誓不再犯此其執又不得不酌于戰與撫之間而應

之務得其情施之務當其可顧今久安之後薦災之

餘卒伍之缺者未能召補則無可用之兵糧餉之適

者不能完解則無可恃之餉當事者既以臨渴掘井

爲慮又以無米煮粥爲憂未及整頓而虜患遠已剝  
膚方欲經營而人言更多掣肘必先寬其文法假以

不受在上之牽制但

便宜惟務責成不爲中制然後可以盡心展布畢力

復在下之議論

安攘此今日邊計之大略也臣等書生不聞軍務然

質之本兵采之衆論其梗槩不過如此容臣等趣令

兵部將督臣梅友松條陳作速議覆其彼處失事候

巡按御史查覆奏到另行議處外仍乞天語丁寧

廟謨指授使封疆之臣皆知皇上留神邊務燭照

夷情凜然日鑒之常臨而罔敢怠玩肅然天威之遠

布而莫不奮揚服虜安邊在此舉矣

虜情疏

宣大甘肅虜情

臣等蒙 皇上股肱之託不敢不盡心於邊事亦嘗  
 講求於虜情亦嘗咨訪謹以大略為 皇上陳之今  
 日虜情與嘉靖年間不同先年虜常侵犯各邊惟一  
 意拒戰而已今虜方款貢自宣大至甘肅不用兵者  
 已二十年雖犬羊之性不齊豺狼之欲無厭然部落  
 有大小情態有順逆不可以一部之作反而廢各部  
 之羈縻不可以一邊之騷擾而致九邊之決裂如其

○以此論○王持○款○貢○大○說○不○夫○

○夫○

背約則當致討。如其輸服則不窮追。此今日制馭之大略也。今洮州失事。明係火落赤邀請。而宣太總督諭書。及虜王頭目稟帖。尚猶未至。果否背盟犯順。尚未可知也。今日之計。惟責成督撫。一面曉諭虜王。使無助逆。一面革絕火落赤撫賞。密圖勦處。而最急者在挑選精銳。措處兵糧。務伸中國之威。破黠夷之胆。聯屬番族。保固封疆。如其處置得宜。戰守有效。則以功論。如其因循玩愒。虛文搪塞。則以誤事罪之。蓋

朝廷大體。惟是用人責實。賞功罰罪而已。若一有疎



失。即大更張。撫臣既調。司道既斥。而又更換摠督。使

○若○止○論○戰○守○則○選○臣○無○所○憚○予○勝○惟○戰○款○二○事○未○

醜虜反得挾以爲重。必云我一作反則邊官盡更將

定則虜付以挾制邊臣故賞罰雖當明而又宜寬。

益無所忌憚。而任事之臣皆垂首喪氣。莫能自振矣。

其文法也

臣等蓋爲邊事計。爲朝廷計。非爲督撫計。而欲庇

護之也。趙克國有言。兵難遙度。臣等亦粗陳梗槩。如

此。容臣等傳示。聖意令本官于覆本內。申飭各邊

督撫。務整理邊備。毋得仍前廢弛。以仰副聖明。拊

解側席之懷。

論松潘疊茂番夷疏

虞置番夷

先該四川撫按官題稱松潘疊茂等處大小粟谷等寨番人攻撲城堡殺死職官隨調土漢官軍議行進勦已該兵部題覆行令巡撫總兵官相機行事外經今日久不聞消息臣等心竊憂疑蓋松潘疊茂卽古維州吐蕃地方重山複嶺深崖密箐自來蕃人出沒種類實繁本朝置戍屯兵稍示禁制羈縻之意然山谷險遠糧運艱難番人聚如蜂蟻散如鳥獸我兵追逐則彼深藏遠伏不可窮搜我兵罷歸則彼倏至突來不可禁遏其道在以勦爲先聲以撫爲權術如一

種作惡則整棚在鎮官軍出其不意。藏厥渠魁。或毀其碓房。或燒其青稞。名曰雕勦。其餘各種並不搜求。庶幾番人懷德畏威。雖小有竊掠。旋即底定。此制禦番夷之要術也。今該省官輕率寡謀。一聞番賊之報。便欲動調大兵。使番人聞之。得以糾黨聚衆。肆行倡獩。近該總兵官李應祥。揭稱標兵二千。皆非慣戰之卒。不敢輕進。見調土司尚未到齊。臣等昨問兵部。亦皆以爲失策。且四川近有採木之事。有司調度無方。民間頗稱騷擾。庫銀給發將盡。軍餉又已空虛。若兵

連禍結財盡民窮爲患非細此臣等所惕然憂懼而不寧也臣等已面語兵部須馬上差人行令新任巡撫徐元太總兵李應祥等相機勦撫用心處置外但地方遙遠人心不齊必得天語丁寧廟謨申飭然後人皆警惕事有責成且知聖天子明見萬里不敢有玩愒苟且之意以取誤事之罪也

辦御史張文熙條陳疏

今日蒙發下文書內有御史張文熙條陳三事本其第二款戒偏重之弊言前此閣臣專擅自恣內有四

件乞 皇上宣諭臣等、永爲禁革、該文書官宋坤、口傳 聖旨、朕于天下事、不得盡知、常要咨訪內閣、若各項事體、都不與聞、設內閣何用、張文熙說這許多閑話、先生每也不要介意、欽此、仰惟 皇上聖德謙虛、純心委任、不以臣等之不肖、每欲諮詢、又以御史之多言、俯垂慰諭、臣等方切感激、更復何言、但國家典制、及閣臣責任、言官皆不深考、使臣等居密勿之地、冒專擅之嫌、恐難展布、不敢不爲 皇上明之、其一爲部院各衙門、不當置考成簿、送閣查考、查得

祖宗舊制。各衙門每月關領內閣精微文簿。開寫事  
件。月終送內閣收掌。年終類送六科廊。此係二百年  
來成規。今考成文簿。與精微文簿相同。但詳略稍異  
耳。然則各衙門事體。未嘗不使閣臣與聞也。且先年  
題奉欽依。凡撫按官。奉到勘合。過限未完者。六科上  
下半年一次查叅。其每月送閣文簿。止備查攷。閣臣  
原不題叅。又罰俸止。及撫按等官。未嘗借以督責部  
院也。夫國家紀綱法度。分掌于部院。而統歸于朝  
廷。閣臣則叅機務。備顧問者。若于諸司之事。全不與

○所○患○者○黃○扉○諸○老○推○

○委○不○任○而○中○實○標○率○制○之○權○耳○若○以○滿○司○之○事○自○  
聞。卽 皇上有問臣等憑何奏對卽有票擬臣等憑

○任○斯○乃○任○職○相○也

何參酌此豈 皇上委任責成之意哉且如吏部官

不稱則當去未聞革吏部之銓選也戶部官不稱則

當去未聞革戶部之錢糧也使閣臣不職卽黜罷可

耳若并其責任而盡削之不幾因噎而廢食乎其二

謂吏兵二部陞除不當一二取裁其三謂各處督撫

巡按不當密揭請教夫部臣各有職掌督撫等官各

有責任原未嘗事事取裁事事請教但閣臣以平章

政事爲職而用人則政事之大者故文官自京堂武

官自叅將以上。部臣亦與臣等商量。無非虛心爲國。以示慎重公平之意。今二部尚書見在。臣等何曾行一私意。用一私人。今但問其所用之人。公與不公。不當問臣等知與不知也。至于各地方事情。若關係重大。督撫等官。豈得不與臣等言之。如陝西等處重災。作何賑濟。遼東虜情。作何防勦。雲南莽賊。作何備禦。此皆朝廷大計。卽各官揭問不爲阿承。卽臣等告以方略。不爲侵越。但論事體。當與不當。不必論臣等知與不知也。其四謂票旨不使同列與知。則臣時



行在閣無一事不與二臣議擬卽文熙亦謂其同寅和衷原無此事何從禁革此則臣等可無論也蓋議者徒見前人之弊習而并欲防後人之將來不知專擅在人不在法擇人以守法則可因人而廢法則不可假令臣等居位食祿事事皆委之不知豈不安逸然祖宗建立閣臣之意謂何臣等受皇上高厚之恩謂何而推諉自便卽萬死何以塞責臣等實不敢避形跡而有所不盡其心故畢陳其愚如此

書

答蕭岳峰

近時後生。足不至邊塞。耳不聞金鼓。而專言戰鬥之事。欲盡罷諸邊貢市。一意用兵。此可以莽莽舉事耶。鄙意謂虜王市。賞停革。足以正中國之體。而各部貢市如舊。聊以羈外夷之心。然後可以專意西郵。圖創西虜。而言者已露章見詆。且誣以受賄矣。此亦聽于公論。不敢多辨。但恨國事紛紜。終爲此輩所壞耳。

答于存素

此時當國家豐祿之日。三叛已服。謂北虜亦可以西鎮之事。議者紛紛。皆欲盡罷貢市。而與虜戰。公試

有功故有紛

之說

卷之一

觀今日九邊兵力何如。糧餉何如。將領何如。一處猶可支持。一二虜酋。猶可與角勝。若諸邊蝟毛而起。何以禦之。宣大密邇陵京。一有警報。畿內騷動矣。鄙意見小疏中。蓋欲安置他虜。而處西虜。使吾有必勝之筭。乃爲萬全。非任虜縱橫而不之問也。言者遂借此見攻。至誣以賍私。豈不寃哉。經略公行已選帶宣大驍將銳卒。糧餉就彼支辦。其請銀二萬。乃隨軍之賞耳。兵部已發過馬價四十餘萬。而西鎮設處糧艸。又在外。語云興師十萬。日費千金。用兵豈易乎。其疏中

迎送廩給從省。蓋因 上有傳諭。命之省約故也。總之兵難遙度。勝在未戰。若但以舌擊賊。大言不慚。亦何益矣。

### 答葉臺山相公

近時事體。與往時大相懸絕。閣中開導。斡旋。止憑揭帖。往時或奉御札。或令文書房口答。無中寢者。今答者什之二三。寢者什之七八。此一難也。往時六卿皆備。事體每相商確。皆得與聞。今疏上報可。絕無違駁。遂至不相關涉。此二難也。一時風尚。率先氣節。少年

是時臺省實多虛論一非文定私言也

喜事口語紛紜前倡後隨黨同伐異狗之則不可勝  
 從違之則便相仄目此三難也然其要則在 主上  
 一有轉移便能改觀易聽矣茲其時矣昔人有言至  
 誠以感動之盡力以維持之此不易之定論唯公與  
 同事諸公協心共濟太平可翹足而須者衰朽闇劣  
 愛莫能助也

又

方今 國事艱危人情險詖 主上凝旒塞纒端居

當論始于此時耶

邃穆之中而衆論愈囂群情愈溷少年陰有所推戴

以樹私交。而陽有所詆排。以消公是。上下否隔。中外  
睽攜。自古國家未有如此。而能久安長治者。公以誠  
心直道。正論昌言。百計調停。萬分匡救。故能彌縫主  
闕。係屬人心。使賢者有所依歸。而不肖者猶知忌憚。  
此爲國家倚重。不啻鼎呂。而奈何懇懇求去也。僕老  
憊無識。然窈窺盛意。欲以感動上心。爲納牖解絃  
之地。真可謂苦心極矣。然願公無堅去心。隨機而應  
之。以待天心之默佑。聖意之轉圜可也。別諭歸柄  
六曹。夫閣臣之叅機密。自永樂以來。二百餘年。天下

之政出于一。自古記之矣。所貴擇人而任之。主上

唐德宗使宰相共理錢穀李泌以爲

虛已而聽之。自可興化致理。若使六曹各司其事。則

此一吏之任非大臣之事也

意見紛出。事權渙散。其執必不能安。此亦公有激而

言。非僕所知也。

皇明經世文編卷之三百八十一

華亭

徐孚遠開公 宋徵璧尚木

選輯

陳子龍臥子 何 剛愨人

徐鳳彩聖期參閱

申文定公集

序

申時行

贈撫臺周公

奏績

大中丞撫臺周公之及再考而以最績聞于朝也余  
既以四郡守丞之請業有贈言而吾鄉之縉紳大夫

皇明經世編

申文定公集

奏績一

平露堂



謂公臨鎮郡中，吾曹在宇下，目接公之眉注而身被其澤，然而息乎，非情也。則以余備糠粃而屬詞焉，蓋與人之誦以公之才，歎德望，踵美于文襄，其得民之深，接迹于文襄，若天之有私于吳人者。余故采而述之，乃其時之所值，勢之所乘，則公尤處其難。比于文襄功齊而力倍者，猶未之及也。余請畢其說，當宣

論亦此等文正格

以後方前而有難易之

英之朝。江南久離湯火而安鋤耨，罔疏而民富，年穀屢登，不覩兵革。蓋家有困積，里有灌輸。公庾有紅腐也，而文襄乃得以其財力之羨，從事于溝塍，咧滄津。

梁坡障之間。爲民與百世之利。又請蠲重額之逋。爲民除百世之害。當是時。廟堂急民。而尤以財賦根本。急江南之民。文襄之奏。便宜朝入。而夕報。可上不虞。掣肘。下不憂感。頽時勢。參合而澤。易流若登高而招。順風而呼也。乃今之江南。視疇曩。逋庭矣。自島夷爲難。列營置戍。仰食縣官。而饋餉日增。水旱疾疫。相踵爲災。而逋稅日積。大農之檄。趾相錯于途。有司數被譴讓。中涓奉詔。復以額外權商。而徵歛日益煩。亡賴不逞之徒。挾關胙篋。乘間而起。而盜日益充斥。蓋閭

闕阡陌之間。不苦兵。則苦歲。不憂徵歛。則憂盜賊。瑣尾流離之狀。呻吟愁嘆之聲。未有甚于今者。乃公身共其恫。而心計其便。所爲撐支調劑。撫循銷戢。布之科條禁令者。率以忠厚慈愛。設誠而致行之。明敕有司。毋以撫字後催科。申嚴將校。毋以恬嬉忘戒備。其弭盜具有方畧。獷豕牙而折其萌。傾虎穴而杜其巢。諸奇袤軼宕之氓。悉麗于法。孳孳焉。閔閔焉。務興民之利。而除其害。若慈母之于嬰兒。日休煥而乳哺之也。若上農之力田。芟其稂莠。殲其蝨蟻。而封殖之也。

以故民安盜戢四境如挾纊百城如覆盂翕然稱治。蓋公之劬勞殫慮經營拮据其用力若斯之難也。而又有難者。上深居決事公車之牘浹旬累月而不報。至語及權稅輒置不省而公所請減稅之章如期而奉德音卒以蘇商民而通食貨留都煽亂獄具而株連不已。流言相驚幾于糜沸公馳往撫諭之。反側遂定卒以銷禍本而安輦轂公之精誠信于主上。而功寔著于國家其超卓可紀者又如此。夫文襄之所興革在朝野清晏物力豐豫之年而公在征求迫

感變故助勦之際。乃政成化洽。相望後先。譬之良醫。

周公亦名臣國不甚遜

文襄所治者。欲起之瘡痍。而公所療者。垂絕之膏盲。

文襄非特相譽之詞

也。其奏效同。而鍼石湯液之施用。則殊矣。余故曰功

齊而力倍也。

召對錄序

召對

隆古聖哲。都俞一堂。龍雲類從。魚水交契。故能翼宣

至理。躋世熙平。詩書之文。可考也。漢唐以降。此道寢

微。然而英詎側席。忠賢遇巷。宣室召問。栢梁和歌。延

英之奏御有呈。崇政之議事不輟。垂之史冊。竝為美

談本朝自 二祖開基 宣廟嗣統 法宮便殿 燕見

本朝若臣之間自漢魯稱

非時內閣平臺幸御不絕自後亦復寥寥矣 泰陵

為疎遠而

神祖尤尚恭已故文定隆召對如此

銳意修復無何而龍馭上賓 永陵取法同游未幾

而朝儀併廢堂簾迥隔晝日濶疏漑釜列奠睽隔已

甚昔以為成規今以為曠典故廬陵有諭對之錄長

沙有交泰之編永嘉任丘別有私紀學士大夫時或

稱道之臣忝非據渥荷 上恩九年之中對郊壇對

山陵感恩殿對渾河對毓德宮者各一對朝門御幄

者三大抵敬天勤民定元良容直諫飭邊備諸政事

史官記注起居貯之東閣會二殿災皆燬于火臣曩從閣中錄得數條藏之家語云主上明聖而德不布聞有司之過也臣爲此懼乃倣先正遺意輯而存之爲召對錄以示子孫使世世瞻戴頌述無替墜焉

綸扉笥草序

綸扉密奏

累朝以來閣中皆有密奏及奉諭登荅者皆稱爲揭帖其制視諸司題式差狹而短字如指大以文淵閣印緘封進御左右近侍莫能窺也余自萬曆戊寅入內閣叅機密越癸未承乏領事蓋兢兢守職矻

矻在公者九年 主上聰明英斷威福已出海內欣

然望治自惟拘謏庸劣不足以仰佐下風然至于軍

宰相之職不過如此

國要機朝廷大政 上意之所欲出而事理未安政

體之所宜行而淵衷未發諸司待 命而未報言官

力諍而難回者未嘗不從中調劑就事匡維其或

上有特諭或令中官口傳皆隨至隨荅刻期取辦與

所謂奏疏體也

同官襍坐據案伸紙奏成 手中詞取疏通不為文

藻事求明暢無用繁多歲月既深寢以成帙韓子示

入則告其君出則不使人知者大臣宰相之事余嘗



佩服斯言。故自閣中掌故及二三同事外。無得見者。余絕不以示人。人莫之知也。歲辛卯。余得請歸田。不復關朝事。兒輩間從笥中搜獲舊草。將刻之以傳。余不許。已復蹠曰。請勿傳而藏之家。以示子孫。乃許之。名曰綸扉笥草。且題其端。

記

重修太僕寺記

重修太僕寺

隆慶己巳秋八月某日。太僕寺卿臣某言。陛下幸過聽。使臣待罪僕卿。領國家閑物之政。自京師三輔。

及旁近藩省。凡地產馬。若牧馬編戶。暨州縣牧馬之吏。咸供職賦如令。臣得假國威。重據公署而蒞之。又賴陛下仁聖。振恤黎庶。貫民當出馬者。徵其錢。寺

此賣種馬錢也

以故多藏錢。主守出納。臣咸與有事。夫受任輦轂下。下臨郡國。委簿牒。是帑藏。其中係觀視不細。而直堂牖門垣之間。經十數歲。廢不治。示天下庠隘傷國大體。臣誠非之。又故事。寺百需。咸仰贖。緩自頃。節縮佐縣官。僅僅所有。不足以更。臣請括寺所轄州縣贖。緩未入者。入大司馬。以其羨。葺公署。上無厚費。而下

令寺易觀甚便。制曰下大司馬大司馬霍公力主其議。制曰可。乃以某月某日庀匠事。凡撓腐者易之。頽墮者築之。上漏旁穿者鋸斲之。爲屋若干楹。爲垣若干丈。用毀爲堅。因故爲新。役不踰時。費不及國。越若干日告竣。公將勒貞石以示來者。屬史行記之。按國初置太僕典馬政。其平故開行寺部諸監苑。寔上駟以壯北邊。文皇帝旣定鼎。詔升行寺爲太僕。與南滌比。睿皇帝朝始正。今名蓋百有四十年。于茲。卿以下故設兩少卿十二丞。丞各分部。督郡國馬。

自天子用言者言，損丞員大半。存其三，令主調兌。而益少卿一人，遙領京營驗印寄牧之事。以故丞選益輕，無能有所預。而少卿局于其職，志不得輒行。卿又高秩，率遠者一歲，近數月，輒遷去，不暇謀寺事。以故視廨宇若郵傳，然即傾圮不治，漫不加省，而頃士大夫又重費遠嫌，掇靜約之譽，以相尚，稍排衆議。有所更剗，則譏姍繁興，危以文法，故任事益希，噫其甚矣。昔衛文公國于楚丘，新集耳，乃定中營室，至椅桐梓漆畢具，而詩人論歌文公之德曰：秉心塞淵，騅牝

三千，夫惟懷忠篤，慮久遠，故能附衆立國，富有千乘。其效可觀已。今國家方制萬里，庶府百司，各奉職以

聽。方將崇論竑議，度前規而侈後觀，乃區區問寺，顧

逡巡，苟簡不復議葺。治丞曰：吾位卑而言高，不敢少

上下牽制，往往廢事，不但修建小事爲然。

卿曰：吾任劇而責分不能。卿曰：吾旦暮且去，不暇，即

是心也。已不能懷忠篤，慮久遠，而欲善于其職，致乘

馬之富，得耶？公初在。先朝以切諫，杖謫徼外，直聲

震天下。會主上臨馭，召起，三遷而至今官，則修廢

剋弊，求政之所亟，首上書，重丞選，均勞，協恭，咸秩，庶

事已卒。就茲役以庇後人。其秉心若是。是可書已。公疏言唐盛時比屋充盈。繚易一馬。往往歸功監牧。稱張萬歲王毛仲。安知今世無若人者。乃顧貴耳賤目。懷材異代乎。蓋自謂也行三復其言。甚壯公之志。故備著之。使後有興焉。

順天府重修候氣室記

候氣室

國家建日官以授時作事。占步推測之法甚密。至郡國縣道則置疇人斗食。名能習知陰陽者。顧其占候不領于日官。而順天治。都輦制特詳慎。每盛德迎

春于東郊，先五日，欽天監奏遣其屬二人往候氣。其布瑄寔灰重室，畧如舊法。隨方占之，以氣發欽。知歲稔惡，所司奉行以爲常。然其掌故莫得而詳也。府故有候氣密室，在東北陬，歲久頽圯，乃就空廡中行事。一切取文具，無有言修葺者。京兆新城王公會稽朱公至，則相與言曰：夫占氣測時，受命而始，必事至重典也。而簡陋如是，甚不稱。其若京兆何？則移書大司空，言更作室便奏。上報可。乃以公廩之美，買材飭工，作之。故趾爲室若干楹，其費爲金若干兩。訖工。

若干日。既成則二公儼然造余。願有述也。蓋古者候  
諸史律書具至精者未嘗載也  
氣以起鍾律。宣五行八正之令。其法稍軼不傳。即心

達體知靡所承授。然大指在測知遲疾。猛弱之氣。以  
驗災祥。察治忽。令上下側身修德。施救政而已。漢志  
天子以冬夏至先後五日。令八能之士。各言候狀。效  
則和。否則占。其重如此。後世精智巧思之士。或各以  
意合法。而氣應先後往往不類。蓋隋牛弘言。灰飛全  
出爲猛氣。不能出爲衰氣。其應爲暴君縱臣。然文帝  
駁之。以爲非事應也。夫務求法而不師意。即羲和馮



相而在。無所用之矣。洪範有之。王省惟歲。卿士惟月。師尹惟日。今天子冲聖宵旰求理。足以迎淑導和。消弭不然之患。設氣一不應而畿輔方千里。或旱澇。螟螣札瘥爲災。則卿士師尹安所逃責。是得無省驗乎。昔稱京兆以春時和行界中存孤老。理冤獄。勸民農桑。問所疾苦。退貪殘之吏。是數者所以昭宣德意。順承天心。化災沴爲休祥之本也。夫使閭閻不呻。嘉肺無枉。銅墨靡所爲蠹。陰陽調。風雨時。則和氣應應。而占候皆合不爽。則是室之作。豈文具哉。

御馬監重修勇士四衛二營公廨記

禁族公廨

國初禁置營衛宿重兵輦轂下春秋討閩具有法

程獨禁旅不時肄陛楯干振是共而已宣德中始選

募驍勇及騰驤四衛之士分營而肄之曰勇士營曰

四衛營營各有將領以所部多寡差次其秩乃關教

場于安定門之外歲時訓練如三營而隸之御馬

監以太監一人提督出入扈衛導從以備非常蓋

天子所擇以為禁兵至親重不與他營衛比嘉靖中

建方澤侵二營孺地乃更徙稍東而廨宇簡陋歲久

寢圯先後仍貫諱言舉羸甚不稱 國家崇嚴禁旅  
居重建威之意今御馬監太監某既受 上命督理  
營務則條上諸廢墜及相襲爲蠹弊者爲之振起釐  
剔已而按視營廨見其震凌頽剝積廢不治則慨然  
曰是不可以已因奏狀言新之便 上曰新之乃令  
太監某某及坐營指揮某某筮日興事鳩工庀材前  
爲官廳左右爲旗鼓廳各一監督廳二營廳八廟二  
以祀玄帝及火神爲屋凡二百三十有二楹繚垣凡  
若干丈工始于萬曆九年正月某日訖明年五月某

日，是役也，費取于牧場子粒，而工部以磚埴之餘佐之。徵發之請不及于縣官，繕治之勞不煩于將作，食節而事時，力省而功倍，規制既具，等列咸秩，壯國容也。茲惟 明天子張皇率作，一視官府之至意，惟邇臣修職奉公，惜財慎事之盛舉，皆不可以無述。爰識其畧，使後有考焉。

湖防公署記

湖防公署

吳水國也，而震澤匯其中，洪流巨浸襟帶三州。漸洳數百里，所產魚蝦螺蛤，薪芟菓木之饒，民衣食之綱。



晉于是斧斤于是故稱利藪然而洲渚盤互島嶼紆

或曰江南不志他

迴逋逃亡命惟剽之奸亦往往窟宅于是故亦稱盜

寇為私始於湖盜余以為不然凡賊之入水者賊之

教有司者蓋嘗憂之然自國家經畧以來沿江置戍

無能者也彼並能拾舟而陸戰哉

歲時操閱海上備倭壁壘相望其防最嚴且密而獨

太湖之防關如日斯內地無動為大爾而頃年多盜

閭閻村塢之間挾關朕篋越人于貨者所在竊發官

司逐捕逸而之太湖風檣浪舶騰蹕出沒于煙波浩

渺之中莫可蹤跡蓋防之為尤難中丞趙郡曹公來

撫東南周視四封興修百度江介海壖防禦既飭則

計所以防湖者，乃籍兵壯，治舟楫，嚴追捕，謹哨巡，遴屬武弁中廉勇有幹局者，曰總練官，而以指揮僉事朱汝忠爲之。已復念曰：湖去郡治遠，而兵水宿野次，觸風濤，犯不測，爲難，遠者耳目不加，而難者易規避，是使爭爲偷惰而相欺謾也。計莫如扼要害，審便宜，列營建署，蒞而守之，可以經久。乃命汝忠相地，得龍山之麓，鳩工伐材，剏立廨宇，凡爲屋若干楹，前堂後寢，翼以廊廡，繚以周垣，樹轟建牙，規制悉備。工始萬曆辛丑十月某日，訖壬寅四月某日，閱凡月而成，費



取諸省存虛冒之銀。爲兩若干，則汝忠所請于兵使  
鄒公，郡守周侯，以聞于曹公，而允行之者也。署成，周  
侯來屬余記。余曩在政地，所司嘗以湖盜聞。詔以  
格例從事，乃遣兵搜緝。經歲無所得，卒報罷。始失之  
張皇，終失之疎宕，寧獨以地險故哉。今余皇旣具，組  
練旣集，公署旣設，上有所申令，下有所稟仰，若立標  
而示望的，而趨體統以正軍容，以肅履斯地，任斯職  
者，盍亦趨然深思，孜孜戶牖之圖，而永絕萑苻之釁  
也乎。

許墅關修堤記

許墅修堤

國家以幸權之利佐度支。關有征。舟有筭。司徒之屬奉璽書從事焉。吳之許墅其一也。吳故東南都會。而許墅縮轂其口。關臨漕渠。有堤翼之。蜿蜒綿亘。四出九達。無論冠蓋走集。商賈輻輳。而司農之粟。少府之錢。歲輸以巨億萬計。舳艫相銜。邪許之聲不絕。關之左右。皆名田上腴。水至不害。其獲自倍。饗殮租賦出其中。蓋行旅所迹。歲漕所經。禱事所仰。賴是隄之重久矣。比歲淫潦。水齧隄崩。徒涉旣艱。淪胥日甚。一時



皇明經世編



申文定公集

游墅修堤

三

平露堂

之二

行者負者。挽舟而過者。秉耒戽鑄而望歲者。皆輦虜  
咨嗟。有司雖駭目疚心。而物力久虛。莫知爲計。戶部  
郎澶淵董君。以萬曆丙申來領榷務。旣釐剔弊蠹。修  
舉經呈。遐邇慕懷。至者緼屬。踰年而稅之溢于舊額  
者。三千金而羨。關吏請如故事。治橐中裝。君叱之去。  
曰。奈何汗我。而議所以捐之。則以語兵備。憲使曹君。  
曹君曰。請捐之隄工爲民利可乎。即輸金府藏。以待  
庀役。而曹君爲聞之中丞。侍御兩臺。檄郡丞應侯長  
洲令江侯董其事。乃發部民二百四十家。各率丁夫。

具畚鍤寒浹補罅培薄增卑。衆志大和。並手皆作。自  
楓橋抵關二十里。所爲隄丈二千六百有奇。如砥如  
廡。旣崇旣固。工始于某月日。訖于某月日。凡三閱月  
而告成。于是江侯來乞言。將石其工之始末以示永  
久。昔在成周。關市不征。澤梁無禁。其取諸民也廉。而  
至于遂徑溝畛。川涂澮道。遂人之所治。司險之所周。  
知無不犁然備飭者。則安所措費而得是。蓋其時鄉  
有委積。野有聚粟。載師有園廛。縣稍之入。均人有公  
旬之力。政常以其不涸之財。有餘之力。興事而勸工。

故人不告勞而國不知費。其豐豫若此。余嘗聞父老  
 言。周文襄撫吳時。繕治津梁道途。以數十百計。所在  
 廩庾皆滿。間以抵無年之租。熙熙乎若成周之盛世。  
 而今則有大異不然者。賦額日廣。供億日繁。重以災  
 沴荐臻。督逋之檄。旁午于道。閭閻如磬。瘠藏如洗。有  
○竟○已○若○此○耶○  
 司至不能名一錢。甚則學宮頽圯。經數歲而不得治。  
 蓋已窘矣。向微董君出其餘稅。捐以予隄。則病涉苦  
 潦。輿感吞嗟之民。庸有極乎。蓋江侯為予言。董君之  
 司權也。度舟筭緡。如式而止。皆躬自衡較。一不以假

○當時民力○尚○

吏胥稅金鎔銷解運綜理精密無敢有恫惕爲奸利者。民間小艇緣關往來一無所呵禁。蓋以其精明強察。燭奸杜欺。以其寬平和惠。懷遠附近。其靡得過當。乃大勝于競鎔銖析秋毫者。而冰蘖之操。羔羊素絲之風。又曠然自拔于脂膏之地。故能酌彼以注茲。推廢以濟調。上佐國家之急。而下以拯一方之艱危。躋之周行。貽以永利。其有造于吳。豈淺鮮哉。

雜記

雲南緬夷莽達刺恃其險遠兵力強盛常侵逼三宣

而隴川多氏爲岳鳳父子煽誘折入緬中順寧土舍

罕虔爲莽內應于是據隴川破順寧滇中大震大臣

中策緬事者謂余往年麓川之役此靖遠末年之事王靖遠提兵十萬

師雖有功而議者藉藉

徵旁省糧餉請官監軍紀功數歲僅乃克之此已事

之驗也余曰今財力殫訕大異昔時若爾則西南騷

動國家受其敝非計也滇南萬里向來文罔濶疎武

備單弱奸人勾引遠夷乘隙而動若選擇守將率兵

禦之并調上司募健卒自足固內而捍外無過慮也

乃與本兵議調鄧子龍劉綎各領三千兵赴之令相

機戰守。子龍先復順寧擒罕虔。詔斬以徇。緹亦以計誘岳鳳及其子曩烏縛獻闕下。上御午門樓受俘。磔諸市。緬兵遂不敢出而緬兵亦安。是舉也。調兵不過六千。餉取諸蜀中。及南戶部費不過二十萬。蓋

上留意邊疆。以滇中用兵。勅總鎮五日一報。按臣覈功稍遲。則先發賞賚以勵士心。故能成功如此。然滇中無餉。無兵。或調兵防守。半歲即撤。撤時皆不給餉。兵皆散去。緩急不能猝集。數爲夷寇所乘。余故與撫臣議屯田養兵之策。騰越逼三宣。近緬地。皆肥饒而

多閒曠。可以列屯課種。儲蓄以待軍興。而遠方守令多闕茸不任事。嘗語按臣督察之。卒無成效。可嘆也。尋邊人有持緬地二番錦入見撫鎮。詭云緬酋欲求入貢。撫臣書來欲奏聞。余答曰。近時暹羅入貢。特遣人用金葉表文奏御。今第以一人持二錦來。真偽未可必。宜審寔而善遣之。非得金葉表文。不當爲代奏也。撫臣乃止。已卒無驗。求其人。則亡去矣。邊事夷情。安可輕信而漫爲之哉。

萬曆丁亥秋江南稍熟。臨穫時。淋淫不止。漕船蟻集。

水次，使者刻期督趨，民輸輓舍卒，米皆濕潤，已入艘，若為民間破壞者，此是矣。經月，管倉部臣不肯受輸，欲却回抵，易漕卒洶洶，余謂石司徒，江南歲輸止有此數，無可易者，勢必責民間賠補，是一歲而責兩歲之輸，民力何堪，恐急則生變矣。以愚論，當權宜措畫，往時漕糧入倉，京師十七通州十三，恐京軍以米色惡，譁不可制，宜小為變通，以十三輸京師，餘皆留之通倉可也。故事，出放以厥經為次第，今歲稍更月日，則不可復食，強授之，恐坐他端，不若隨到隨發，厥經且可勿拘，令下諸軍猶有



難色，司徒急索釜餽，對衆炊飯，皆可食。諸軍以次支給，寂無譁者，是舉也。江南免責償之苦，國儲不至朽腐，軍不致鼓譟，處置似爲得宜。未可與拘方者也。道。

川貴土司首安氏、次楊氏，皆以兵力盛強，蓄積富厚，相雄長。諸土司皆憚之。安氏在嘉隆間，小有反側，朝廷下詔切責，第令服罪削職，取羈縻而已。惟楊氏世稱恭順，而應龍稍桀黠，自其祖父時頗招納內地游俠，及犯罪逋竄者，爲之羽翼腹心。凡七家皆有室廬田產，長子孫成大姓，應龍心惡之。旣襲職，皆擯不

用更虛使之。或加誅戮。七姓咸怨。率逃入五司中。五司故隸播州。而諸長官怨應龍特甚。七姓者復從中。愆息。乃數奏應龍罪惡。却覆行兩臺會勘。兩臺所委府佐及兩司首領皆以土官爲奇貨。多所需索。數以計困之。嘗期以某日入境候勘。應龍如期至。委官故遷延不行。度應龍且去。則猝至。以跋扈不服罪之。必得重賄乃已。以故應龍每赴勘。若就刑僇。然兩省有徵調。朝奉檄而夕發兵。毋敢後時。未有不臣之迹也。時貴州撫臣喜事者。入五司。庸愆欲用兵。偕按臣以

疏請余力止之。謂應龍雖殘虐，但行于所部，未有逆節于朝廷。祖宗朝從來羈縻，不以漢法治也。部中遂寢其奏。久之，蜀撫以他事檄召應龍，下之獄。獄吏卒備加窘辱，取索不訾。應龍大恚恨，會東征事起，石司馬請釋應龍，令帥所部兵立功自贖。既而罷之。撫臣復召應龍就獄，辭不至，乃遣兵深入逮捕。應龍據險拒敵，殺傷官兵甚衆，尋攻破綦江，勢甚猖獗。詔發三省兵，及調旁近土司討之。復添設撫臣，開府辰沅，加蜀撫總督軍務。踰年，遂平播州，設遵義府。然三

省財力，耗費以巨億計。楚蜀之間，釋騷甚矣。向使委

官不索賂，應龍不繫獄，調必赴，召必來。何至稱兵叛

文定老成持重不替

逆乎？挑釁起禍，必有任其責者。故好事喜功，窮兵殫

財，非國家之利。已事可永鑒也。

京師本澤國也。或謂地高水少者大謬。

京東諸州縣多旱窪，沮洳彌望。或云可開水田，如江

南耕耨法，歲收自倍。而徐尚寶貞明主其說，具在潞

水客談。余深是之，乃請上旨下。近京郡縣酌量修

舉，以尚寶兼憲職董其事。尚寶從河間經始，工費無

所出。至今人慕化築堤捍水，頗有緒。乃之薊州，招南

兵之習農者，使畫地耕作，仍給之餉。一時農兵大集，墾田以億計。畝收一鍾，撫臣及司道方次第開報。而北人宮京師者，倡言水田既成，則必倣江南起稅。是嫁禍也。乃從中撓之。御史王之棟疏請罷役，而中官在左右者，多北人，爭言不便。會朝畢，上召余及同官于皇極門，諭以水田當罷。余對言：高田宜黍麥，下田宜稷稻。今民間遊惰，下田俱棄不耕，故議開墾，非盡廢已熟之田也。上云：荒田可開，水田不可倣。余退而上疏，極陳利便。而上意不回，遂切責尚寶。

以擾民。而初議盡格矣。彼中開墾已成。收獲甚富。一聞詔下。盡毀堤岸。斥爲閒田。垂成而廢。良可惜也。余歸已二十年。鄉人北來者云。京東惰田頗廣。白粲輒輸京師。供上用。其直減于往時。蓋農兵自行開墾。不關有司。而人亦無撓之者。乃知民可與樂成。難與慮始。甚矣。夫任事之難也。

洮河邊外與虜隔絕。國初設茶馬司與番爲市。每歲納馬易茶。常爲中國傾伺。虜至則與邊人并力禦之。虜或挫衄以去。自封貢後。虜常鈔掠諸番。番不能

支則俛首屈服，歲有輸納，名曰忝巴。于是虜騎數至番中，而火落赤者尤桀黠，入于莽刺川，就水草，時掠漢人畜，邊將或就索，輒復得之。副將李魁者，方大醉，軍士報虜侵掠，魁即單騎赴之，不介而馳，虜人方持鞞，自白魁輒拔刀斫之，虜衆大譟射魁，創甚，還營宿昔而歿。督臣檄大帥劉承嗣擊之，不勝，遂入犯洮河。副將李聯芳出戰，敗沒。廷議紛紛，謂虜已渝盟，順義寔助逆，洮河且陷，臨鞏且陷，危若累卵。因歸咎本兵，并論余失策。余備陳邊事虜情，請下九卿會議，議定。

余復請 上命戎政尚書鄭洛爲七邊經畧使切責  
順義趨之東歸而聲火酋之罪逐之使去于是莽刺  
川無虜而他酋真相據捏土川與火酋表裏者亦遠  
徙時甘肅撫臣欲誘殺番人報功巡茶御史不可乃  
止一時幸災喜功者皆攘臂談邊然邊事卒無恙洮  
河晏然而火酋窺伺舊川卒未有能創之者談何容  
易。

內臣張維者好文雅能詩 上愛任之呼爲秀才命  
掌兵仗局駕常幸局觀兵器偶玩弄之維奏言兵凶



器非至尊所宜操 上笑而止因令內臣勝兵者咸

肄習之或言 先朝有內教場以歲時演習武備蓋

指 武宗時也 上欣然舉行乃摘選內豎二千分

皆內侍患而後

班操練每以五鼓從東華門入及晨而散閣臣以為

言 主上令傳諭不久當罷主事董基言極剴切

上怒謫外任閣臣深以為憂乃因文書房傳語司禮

諸大璫云此事關係禁廷諸人皆擐甲荷戈未明入

內設奸人竄入其中為害叵測即有緩急外廷不得

聞宿衛不得入吾輩大臣束手無計此皆公等剝膚

之患也。諸璫皆竦然乘間力奏。上乃命撤止。使外  
廷諍之。未必便回。上心乃知顯諫不若潛移爲妙  
也。

皇明經世文編卷之終